

三

十




周禮會註卷之十二

秋官司寇第五上

臣按官以秋為名以象秋也秋斂萬物司寇禁萬民寇害也司寇者主禁其害也

惟王建國辨方正位體國經野設官分職以為民極乃立秋官司寇使帥其屬而掌邦禁以佐王刑邦國

司寇本掌印之官必先言邦禁者先王之於民道之以法制禁令而民或不從焉於是乎有刑以一之是禁者聖人之仁心刑者聖人之所不得已也然禁以止之於先刑以懲之於後則刑之中亦仁之寓與



刑官之屬大司寇卿一人小司寇中大夫二人士師下大夫四人鄉士上士八人中士十有六人旅下士三十有二人府六人史十有二人胥十有二人徒百有二十人

士察也理也故治獄者謂之士以其為群士之取法故曰士師鄉士則掌六鄉之獄者

遂士中士十有二人府六人史十有二人胥十有二人徒百有二十人

遂士掌六遂之獄

縣士中士三十有二人府八人史十有六人胥十有六人徒百有二十人

公邑之地曰縣在六遂之餘地也故設縣士掌公邑之獄

方士中士十有六人府八人史十有六人胥十有六人徒百有六十八人

方謂三等采地在王畿四方故此官掌都家之獄

訝士中士八人府四人史八人胥八人徒八十八人

訝迎也訝士迎治四方邦國之獄也夫邦國之獄諸侯治之設此訝士何哉蓋諸侯之有疑獄四方之有亂獄皆此官治之也朝士中士六人府三人史六人胥六人徒六十八人

朝外朝也外朝即聽朝在庫門外此官掌外朝之法王有三朝內朝即燕朝在路門外大僕掌之中朝即治朝在雉門外司士

掌之與外朝共為三朝

司民中士六人府三人史六人胥三人徒三十人

司民主民數為刑官之屬者聖人用刑本於好生耳

司刑中士二人府一人史二人胥二人徒二十人

司刑掌五刑之法以詔司寇蔽獄者

司刺下士二人府一人史二人徒四人

刺訊問也以司寇已成之獄問於人司刺兼掌三刺三省三赦
獨名司刺者問以訊為耳

司約下士府一人史二人徒四人

司約掌諸侯及萬民以言語相約束者司約掌之禁其違約也

司盟下士二人府一人史二人徒四人

盟歃血以結信也司盟掌之禁其違盟也

職金上士二人下士四人府二人史四人胥八人徒八十人

職主也職金主受士之金罰貨罰也

司厲下士二人史一人徒十有二人

惡厲也此官掌沒入為惡者之兵器及人也

犬人下士二人府一人史二人賈四人徒十有六人

犬人掌養犬牲以供祭祀司寇奉犬牲故厲焉

司環中士六人下士十有二人府三人史六人胥十有六人徒百
有六十人

圜圜土為獄城也司圜即今之司獄

掌囚下士十有二人府六人史十有二人徒百有二十人

囚拘也繫也此官掌拘繫當刑殺者

掌戮下士二人史一人徒十有二人

戮殺也謂人之當斬殺者此官掌之

司隸中士二人下士十有二人府五人史十人胥二十人徒二百人

隸僕隸也司隸主罪人之為奴僕者隸有五各有官此司隸掌

為長總司之

罪隸百有二十人

罪隸犯罪之沒入為奴者掌之者因以名之也

蠻隸百有二十人

蠻隸征南蠻所獲者亦因以名其官也

閩隸百有二十人

閩隸征閩越之地所獲者

夷隸百有二十人

夷隸征東夷之地獲者

貉隸百有二十人

貉隸征北狄之國所獲者

布憲中士二人下士四人府二人史四人胥四人徒四十人

布憲謂宣布以法示人也不以法示人則人不親見而知避不

宣布則四方之遠不能周知此布憲之官所以設也

禁殺戮下士二人史一人徒二十有二人

禁殺戮者禁民不得相殺戮也

禁暴氏下士六人史三人胥六人徒六十人

暴橫也禁暴掌禁庶民之暴橫者

野廬氏下士六人胥十有二人徒百有二十人

郊外謂之野都鄙之地亦謂之野廬客舍也此官掌野道客舍

禁戒之事不言郊據外以包內也

蜡音趣氏下士四人徒四十人

蜡骨肉腐臭蠅蟲所蜡也此官掌禁除之

雍氏下士二人徒八人

雍與壅同謂提壅即溝瀆滄池也此官掌其禁

萍氏下士二人徒八人

萍水草浮而不沉者人之沉溺於水於酒者異於是也故設此

官以禁戒之焉

司寤氏下士二人徒八人

寤覺也掌夜禁非常覺而不寐安能定夜時以禁夜行者故名

官以司寤氏

司烜氏下士六徒人十有二人

烜火也此官主掌火禁

條將狼氏下士六人胥六人徒六十人

條條除也狼狼藉也言道上狼藉之人此官主除之

脩閭氏下士二人史一人徒十有二人

脩治也閭里門也謂掌以禁戒治里門也

冥氏下士二人徒八人

冥固覺也攻猛獸之害必使之冥然固覺故以名官

庶氏下士一人徒四人

庶衆也毒蠱不除民不得衆也故名除毒蠱之官以庶氏

穴氏下士一人徒一人

穴者蟄獸之所藏也此官主攻蟄獸

翬

翅

同氏下士二人徒八人

翬翼也攻猛獸必攻其翼然後可獲

柞氏下士八人徒二十人

除木曰柞此官掌除木之蒙密蔽翳者

薙

替

氏下士二人徒二十人

薙芟也此官掌芟草之為物害者

摭

音

剔氏下士一人徒二人

摭摘也薙巢也掌覆天之鳥巢以除其害

翦氏下士一人徒二人

翦斷也此官掌除斷蟲蠹之害器物者

赤友音拔氏下士一人徒二人

赤友即拊拔除去也掌除去牆屋毒蠆之蟲也

蝮音國氏下士一人徒二人

蝮蝮即蛙也掌除蛙之聒人

壺涿氏下士一人徒二人

壺瓦鼓也涿擊也主以瓦鼓擊除水蟲

庭氏下士一人徒二人

庭清潔之地掌除國中天鳥欲使清潔如庭也

銜枚氏下士二人徒八人

枚如著銜之以止語者此官掌禁言語之譴諱也

伊耆氏下士一人徒二人

伊彼也耆老也伊耆猶言伊人也以其掌函老者杖故名之曰伊耆氏以函是禁戰之事故以屬秋官

大行人中大夫二人小行人下大夫四人司儀上士八人中士十有六人行夫下士三十有二人府四人史八人胥八人徒八十人

掌九儀之官故曰司儀掌使於四方故曰小行人掌為小行人之介故曰行夫而大行人之名何義也蓋大行人雖不出使然為行人官之長而總其事此所以亦以行人名之歟然自大行至掌交皆掌賓客之禮而屬之秋官者何哉蓋先王於來朝諸侯待以賓客其禮至矣使諸侯一有不朝則不克於司寇之刑

矣况諸侯受天子之客禮不敢自安於朝之明日歸朝謝罪是皆嚴肅之意後儒屬之禮官此意微矣

環人中士四人史四人胥四人徒四十人

環圍也主守衛賓客之任器者

象胥每翟上士一人中士二人下士八人徒二十人

象通四夷之言者胥有才智之稱此官掌四夷來朝之禮

掌客上士二人下士四人府一人史二人胥二人徒二十人

掌客掌四方賓客之禮

掌訝中士八人府二人史四人胥四人徒四十人

掌訝掌迎賓客之來

掌交中士八人府二人史四人徒二十有二人

掌交掌結諸侯之好

掌察四方中士八人史四人徒十有六人

掌察掌督察邦國之事

掌貨賄下士十有六人史四人徒三十有二人

掌貨賄掌邦國所致貨賄

朝大夫每國上士二人下士四人府一人史二人庶子八人徒二十人

朝大夫王之士也以其主都家之國治其事重故摠名之曰朝大夫庶子在府史之下蓋官長所自辟除也

都則中士一人下士二人府一人史二人庶子四人徒八十人
都則主都家之八則者

都士中士二人下士四人府二人史四人胥四人徒四十人
都士主都治大都小都吏民之獄訟

家士亦如之

家士主治家邑之獄訟吏民咸在焉

大司寇之職掌建邦之三典以佐王刑邦國詰四方一曰刑新國
用輕典二曰刑平國用中典三曰刑亂國用重典

三典三條之常法也邦國諸侯之國詰究治也四方邦國之民
也新建之國攻教未敷犯法者其常也不用輕典以刑之則人

懼輕者不及乎中典也治平之國法制素明人心素定不用中
典以刑之則人駭悖亂之國政教不行犯法者其故也不用重
典以行之則人玩重者過乎中典也臣按法謂之常則一定而
不可易矣今乃隨時而變何也蓋因時處宜正聖人之所謂中
也常也苟時變而法不變膠於一定非善用法者也

以五刑糾萬民一曰野刑上功糾力二曰軍刑上命糾守三曰鄉
刑上德糾孝四曰官刑上能糾職五曰國刑上愿糾暴

田野以農功為上其不致力者則糾之軍旅以用命為上其不
守律者則糾之鄉黨以順德為上其不致孝者則糾之官府以
才能為上其不任職者則糾之國中以愿恪為上其有強暴者

則糾之臣按用刑者聖人之所不得已也蓋已不懋則財不生而野荒國貧矣律不整則威不行而兵弱國危矣孝不盡則民不厚而俗薄國微矣職不舉則治不成而政衰國敗矣暴不除則善不興而化微國亂矣然則野君鄉官國之五刑立而國家之治成焉

以園土聚教罷音疲民凡害人者賞之園土而施職事焉以明刑恥之其能改者反于中國不齒三年其不能改而出園土者殺

罷敝也惡也害人者即害民也施職事役使之也明刑明書其罪於方版而加諸背也反于中國歸于鄉里也不齒者未得復為平民也夫賞之園土而施職事所以勞其職以明刑恥之所

以愧其心蓋欲使之悔過遷善也其曰能改則是有悔悟之心矣然又三年不可謂厚矣若夫長惡不悛重犯王犯是不可教訓也其殺之宜矣

以兩造去聲禁民訟入束矢於朝然後聽之以兩劑禁民獄入鈞金三日乃致于朝然後聽之

兩造兩辭俱至也兩劑兩齎券書也束矢百矢入束矢示其直也鈞金三十鈞銅入鈞金示其實也禁訟必以兩造者將以辨其直必入束矢者將以罰其不直也禁獄必以兩劑者將以辨其實必入鈞金者將以罰其不實也臣按訟獄皆曰禁見先王訟獄之設本欲息民之爭爾

以嘉石平罷民凡萬民之有罪過而未嚴於法而害於州者里極
桔而坐諸嘉石役諸司空重罪旬有三日坐暮役其次九日坐九
月役其次七日坐七月役其次五日坐五月役其次三日坐三
月役使州里任之則宥而舍之

嘉石文石也立於外朝門左平成也使罷民思其文理而歸於
善所以成之也木在足曰桎在手曰梏役諸司空坐日訖使給
百工之役也州里任之役日滿使州里之人保之也坐與役皆
以罪之輕重定為五等也臣按有罪過雖未嚴於刑法而有害
於州里之人若實之園土則已重故嘉石以坐之所以動其心
也司空以役之所以忍其性也然必州里保之然後舍之以見

其出於衆論之公而非一人之私也

以肺石達窮民凡遠近惻獨老幼之欲有復於上而其長弗達者
立於肺石三日士聽其辭以告于上而罪其長

肺石其形若肺擊之有聲寃民許擊此石如今登聞鼓唐人亦
有肺石復報也謂於朝廷奏事也立於肺石三日者審寃考核
得其情實也臣按窮民欲告訴于上而長吏不以聞則含寃抱
情者鬱不得通苟非肺石以達之則上德可以宣罪其長下情
終無不達矣

正月之吉始和布刑于邦國都鄙乃縣刑象之法于象魏使萬民
觀刑象挾日而歛之

布刑縣法皆可布舊刑縣舊法非一年一變者也臣按刑者例也例者成也一成而不可易者也苟屢為變更民無適從非聖人使民知避之意也若夫隨時輕重乃用法變通之術夫豈立法之道哉

凡邦之大盟約泣其盟書而登之于天府大史內史司會及六官皆受其貳而藏之

軟血以結信曰盟以言語相要結曰約有盟則有約也盟書以盟約書于簡策也大司寇職約束故臨其盟書上于天府藏之重也分職于大史內史司會及六官攷之備也

凡諸侯之獄訟以邦典定之凡卿大夫之獄訟以邦法斷之凡庶凡庶民之獄訟以邦成弊音蔽之

邦典即三典也邦法即小司寇八辟之麗者邦成即士師之八成也臣邦邦國有新亂平之異故必定以輕重中之三典卿大夫有親故賢能功貴勤賓之異故必斷之以八儀之節庶民與諸侯卿大夫其勢位尤不同故以八成弊之凡此皆見先王因人制法之意此其所以得用刑之中也歟

大祭祀奉犬牲若禋祀五帝則戒之日泣誓百官戒于百族及納亨前王祭之日亦如之奉其明水火凡朝覲會同前王大喪亦如之大軍旅泣戮于社凡邦之大事使其屬蹕

犬為金畜大司寇奉之從其類也百官百執事百族王之族姓

誓戒主於嚴肅故大宰掌之而以司寇臨之細亨謂致牲將祭之辰也祭之日方祭之時也此與朝覲會同大喪皆引導王者亦致嚴肅也此與朝覲會同大喪皆引導王者亦致嚴肅也明水火共於司烜氏司寇之屬也故從而奉之戮于社大刑也故親泣之止行人細故也故使其屬

小司寇之職掌外朝之政以致萬民而詢焉一曰詢國危二曰詢國遷三曰詢立君其位王南鄉音向三公及州長百姓北面群臣西面群吏東面小司寇擯以叙進而問焉以衆輔志而弊謀

外朝在庫門之外即聽朝也故國有大疑則聚萬民於此而問焉詢國危問可救亂之策也詢國遷問所徙都之宜也詢

立君問所應立之嗣也當咨問之時為四面之位以便論議也三公王之三公百姓畿內之民也群臣卿大夫士群吏黨正族師之屬也擯所使出接賓者叙進而問先謀卿士後謀庶人也但所謀者以王志為主以衆論為輔而王斷其謀之可否也

以五刑聽萬民之獄訟附于刑用情訊之至于旬乃弊之讀書則用法凡命夫命婦不躬坐獄訟凡王之同族有罪不即市

五刑即司刑所謂墨劓宮剕殺也聽鞠審也聽之既得其罪麗于五刑矣必探其情而問之欲得其實也至旬而斷之更致其審也若然則我無限矣明讀罪狀之書以示之使彼亦無憾焉然後用刑不躬坐獄訟者听其家屬代之恐獄吏加褻慢所以

貴貴也王族不即市者適于甸師不戮于市所以親親也

以五聲聽獄訟求民情一曰辭聽二曰色聽三曰氣聽四曰耳聽
五曰目聽

辭色氣耳目而謂之五聲者訊鞠之時作其言察其氣色耳目
是以言為主故辭為五聲之首也理直者其辭確其色定其氣
壯其聽審其視專理曲者其辭遁其色赧其氣沮其聽亂其
視惑以此五聲而聽獄訟則人之情偽不可匿矣

以八辟麗邦法附刑罰一曰議親之辟二曰議故之辟三曰議賢
之辟四曰議能之辟五曰議功之辟六曰議貴之辟七曰議勤之
辟八曰議賓之辟

辟亦法也謂八議之法也麗亦附也法所不及刑罰所不該故
以八辟麗附之也親王之宗族親戚故王之故舊朋友賢有德
行能有道藝功謂勲在社稷貴謂位居卿相勤有勞王國賓作
賓王家臣按人之犯罪固所當刑然使無親疎賢愚貴賤之別
則亦不得其平矣蓋親與故是以情而準過賢能功勤是以德
而準過而貴與賓是以位而位而準過先王用此八議之辟是
以皆所以合天理而當人心夫豈容私於間哉

以三刺斷庶民獄訟之中一曰訊群臣二曰訊群吏三曰訊萬民
聽民之所刺宥以施上服下服之刑

近而群臣既當審其言矣又必訊於群吏遠而群吏既審其言

矣又必訊於萬民則其論公矣故一聽其言言可殺是所刺者則下刑而施以上服言可寬是故宥者則上刑而施以下服如此不得乎刑之中未之有也

及大比登民數自生齒以上登于天府內史司會冢宰貳之以制國用

司徒所掌者皆夫家之數而人民之數皆掌於司寇蓋先王用刑本以生民則生齒之繁者為刑措之驗此大比之登民數必于小司寇也上于天府重民數也內史司會冢宰書其副以制國用必致民數也臣按生民之本於刑如此然則主刑者為民之司命豈不信哉

小祭祀奉犬牲凡禋祀五帝實護水納亨亦如大賓客前王而辟後世子之喪亦如之小師涖戮凡國之大事使其屬蹕

實護水為滌牲也此一段事大槩與大司寇所職者同但大司寇掌其大小司寇掌其小此畧異爾

孟冬祀司民獻民數於王王拜受之以告國用而進退之

司民軒轅角也星名司民者以民之生其神實司之故於孟冬物成之際祀以報之也獻民數於王者使知衆寡王拜受之禮重之也以此而進退國用軍國之需皆自民而出故也

歲終令群士計獄弊訟登中于天府正歲帥其屬而觀刑象令以木鐸曰不用法者國有常刑令群士乃宣布于四方憲刑禁乃命

命其屬入會乃致事

群士鄉士遂士之屬計獄會計其已斷之獄弊訟斷其未斷之訟中成也登中于天府上其一歲已成之獄訟于天府重民命其屬刑官之屬觀刑象使知法守也令群士使群士知法守也宣布于四方憲刑禁使四方知法守也入會入其所計之刑於已致事獻其所事之入於王也臣按歲終為行事之終則登其成正歲為作事之始則明其事先王於刑其謹始慮終之道固如是夫

士師之職掌國之五禁之法以左音右刑罰一曰宮禁二曰官禁三曰國禁四曰野禁五曰軍禁皆以木鐸徇之于朝書而縣于

門閭

禁止之使勿為施之於未事之前者也左右輔助也禁之則人知畏刑罰可省也宮謂王宮官謂官府國王城之內野郊野之外軍師旅之中也徇之于朝使內人共知也縣于門閭使外人共知也

以五戒先後刑罰毋使罪嚴于民一曰誓用之于軍旅二曰誥用之于會同三曰禁用諸田役四曰糾用諸國中五曰憲用諸都鄙戒警之使不為施於將事之時者也先後相導也毋使罪嚴于民者戒之則人知謹刑罪可免也誓誥禁糾憲皆戒也隨事而異其名爾誓者約之以法誥者諭之以理禁者止之以令糾者

督之以事憲者示之以法臣按先王於民既先事而禁之矣猶恐其臨事而或犯也於是又戒之其所以勤勤懇懇者何哉聖人之惡刑民尤甚於民之惡刑也斯其心所以為天地父母之心也耶

掌鄉合州黨於閭比之聯與其民人之什伍使之相安相受以比追胥之事以施刑罰慶賞

六鄉之內其居則有州黨族閭比之聯合之者以比合比以閭合閭所以合其居也其民則有什伍合之者以伍合伍以什合什所以合其人也由是去其害人者使之相安使州里任焉而舍之使之相受夫無事而相安相受然後有事而可以同其憂

患焉此追逐胥僭盜賊之事於是乎可比矣至於廢事者則施刑罰有功者則施慶賞也臣按聯比其居什伍其人鄉官掌之所以施教事師掌之所以施刑此刑教相輔之意也

掌官中之政令察獄訟之辭以詔司寇斷獄弊訟致邦政令官中政令刑官中所行政令也察訟之辭審其所受群士所上之獄訟不決之辭也詔司寇斷獄弊訟者不敢自斷自弊以告司寇斷之也弊之也致邦令謂獄訟既審則使行於群士所謂掌官中之政令者於此見矣

掌士之八成一曰邦汙通酌二曰邦賊三曰邦諜四曰犯邦令五曰擄邦令六曰為邦盜七曰為邦朋八曰為邦誣

士之八成謂士官中正亂之成法有八也邦為斟酌盜取國家
密事者邦賊悖逆作亂謀危社稷者邦謀為敵反間者犯邦令
故違王命者擣邦令詐稱詔旨者為邦盜竊取國貨者為邦朋
黨亂民者為邦誣訛言惑衆者臣按此八者皆亂之大者也苟
非八成以治之則將何以制治保民與邦哉此先王防患之深
意也夫

若邦凶荒則以荒辨

通

之法治之令邦移民通財糾守緩刑

荒賤之法謂刑罰貶損作舊時法也又令邦國移民以就食通
財穀以給其不能移者凶荒盜賊多故督責其守備過誤衆故
寬緩其刑罰臣按救荒之政既掌於司徒而士師又掌之者蓋

士師之刑所以濟乎政者也

凡以則獄訟者正之以傳別約劑

傳別已見小宰篇約劑盟約之書也臣按傳別以正其稱責之
爭約劑以正其盟誓之爭則民之情偽無所逃而獄訟之曲直
可分矣以此折獄明刑夫何難哉

若祭勝國之社稷則為之尸王燕出入則前驅而辟祀五帝則沃

尸及王盥洎

音鑊

水凡剗

音珥

二則奉牲犬

諸侯為賓則帥其屬

而

而

而蹕于王宮大喪亦如之大帥帥其屬而禁逆軍旅者與犯師禁
者而戮之歲終則令正要會正歲帥其屬而憲禁令于國及郊野
勝國之社稷刑之類也故祭以刑官為尸燕出入其事小於大

賓客故士師前驅而辟沃尸及王盥者謂沃尸盥及沃王盥也
洎灌水也洎鑊水者小司寇實鑊水士師續司寇之事而終之
也殺牲血以饗謂之釁珥賓喪之禮皆以刑官蹕之致其嚴也
師行而不從令謂之逆軍旅臨陣而不用命謂之化師禁故先
帥其屬以禁之後戮其為者焉令正要會者令群士正計簿以
待小司寇入會之命也小司寇已憲刑禁于四方故士師憲禁
令于國及郊野也

鄉士掌國中各掌其鄉之民數而糾戒之聽其獄訟察其辭辨其
獄訟異其死刑之罪而要之旬而聽于朝司寇聽之斷其獄弊
其訟于朝群士司刑皆在各嚴其法以議獄訟獄訟成其士師受

中協日刑殺肆之三日若欲先之則會其期大祭祀大喪紀大軍
祿大賓客則各掌其鄉禁令帥其屬夾道而蹕三公若有邦事則
為之前驅而辟其喪亦如之凡國有大事則戮其犯命者

鄉士而曰掌國中者六鄉之獄在國中也糾戒之者使之不抵
于刑憲也聽其獄訟察其辭者辨其曲直虛實也辨其獄訟異
其死刑之罪而要之者或死或肆刑其罪之輕重既定又衆為
其罪法之要辭聽于朝者以職事治之於外朝也必以十日
者自鄉距王朝百里故以旬日為期也司寇聽之者以司寇正
刑明辟也斷其獄弊其訟于朝王朝所在無所容其私也群士
司刑皆在各嚴其法以議獄訟者司刑掌五刑之法司刺掌三

刺之法又三省三赦之法又或掌官法或掌官常各附致其法以成議也獄訟成者罪已成定也受中者受取上成定文書為案也謂之中者以所成者合乎法之中也協日刑殺和合善日乃刑殺也肆之三日刑與殺者皆陳于市三日以警衆也若欲免之即王制所謂王三省之時此則王親外朝與衆參听不得已然後制刑也祭祀喪紀軍旅賓客六鄉皆有共焉故帥屬而蹕三公與王論道者若以國事至鄉則為之前驅而辟大事征伐田獵之類也

遂士掌四郊各掌其遂之名數而糾其戒令聽其獄訟察其辭辨其獄訟異其死刑之罪而要之二旬而職聽于朝司寇聽之斷其獄弊其訟于朝群士司刑皆在各麗其法以議獄訟獄訟成士師受中協日刑殺各就其縣肆之三日若欲免之則王令三公會其期若邦有大事聚衆庶則各掌其遂之禁令帥其屬而蹕六卿若有邦事則為之前驅而辟其喪亦如之凡郊有大事則戮其犯命者

國外百里曰郊遂士而曰掌四郊六遂之獄其在郊也二旬而後斷者六遂去王城二百里故也六遂既遠故令三公往議之王不親行之矣

縣士掌野各掌其縣之民數糾其戒令而聽獄訟察其辭辨其獄訟異其死刑之罪而要之三旬而職聽于朝司寇聽之斷其獄弊

其訟于朝群士司刑皆在各嚴其法以議獄訟獄訟成士師受中
協日刑殺各就其縣肆之三日若欲免之則王命六卿會其期若
邦有大邦役聚衆庶則各掌其縣之禁令若邦大夫有邦事則為
之前驅而辟其喪亦如之凡野有大事則戮其犯命者

郊外曰野距外駭王城二百里也六遂之民遂士掌之此縣士
掌野者掌公邑之民也三甸而後斷六遂之外去王城益遠故
又令六卿會其卿矣

方士掌都家聽其獄訟之辭辨其死刑之罪而要之三月而上獄
訟于國司寇聽其成于朝群士司刑皆在各嚴其法以議獄訟成
士師受中書其刑殺之成與其听獄訟凡都家之大事聚衆庶則
則各掌其方之禁令以時脩其縣法若歲終則省之而誅賞焉凡
都家之事所上治則主之

都家者大都小都家邑也夫六鄉百里則有鄉士遂縣共百里
則有遂士縣士都家共三百里總設方士何也蓋都有都士家
有家士而又有方士以主之也都家愈遠故三月而上獄訟又
不得耽聽于朝止上其成于國而已至於協日刑殺則付之都
家之士方士但書刑殺之成于案又書其治獄之吏姓名以備
稽考也修其縣法者表懸其法以示都家之士也誅賞者責其
廢而賞其循法也所上治謂上所治之獄訟主之者主上于國
也

訝士掌四方之獄訟諭罪刑于邦國凡四方之有治于士者造焉
四方有亂獄則往而成之邦有賓客則與行人送迎之入於國則
為之前驅而辟野亦如之居館則帥其屬而為之蹕誅戮暴客者
客出入則道之有治則贊之凡邦之大事聚衆庶則讀其誓禁
四方之獄訟諸侯之獄訟也諭罪刑于邦國告曉以嚴罪及制
刑之本意凡四方之有治於士者造焉謂疑獄非諸之能斷者
也亂獄謂若君臣宣淫上下相害者也此則雖不能來造訝士
親往邦國定其罪賓客往則送之來則迎之在國野之途則親
為之辟在館則帥其屬為之蹕人有害客則誅戮之客有出入
則引之客有所治則助之凡國有師田之事則讀誓命之辭五

禁之法焉

朝士掌邦建外朝之灋左九棘孤卿大夫位焉群仕在其後右九
棘公侯伯子男位焉群吏在其後面三槐三公位焉州長衆庶在
其後左嘉石平罷民焉右肺石達窮民焉帥其屬而以鞭呼趨且
辟禁慢朝錯立族談者

外朝在庫門外樹以棘者取其赤心事上以九者象三孤六卿
與九服也樹以槐者取其槐思道德以三者象三公也群士上
士中士下士也群吏府史之屬也州長鄉遂之官衆庶鄉遂之
民也孤卿大夫居左內臣也諸侯居右外臣也三公居南谷王
也嘉石肺石即大司寇所言者以鞭呼趨呼朝者使趨也辟則

使人避焉禁慢朝者則使之斂禁錯立者則使之正禁族談者則使之靜

凡得獲貨賄人氏六畜者委于朝告于士旬而舉之大者公之小者庶民私之凡士之治有期日國中一旬郊二旬野三旬都三月邦國朞期內之治聽期外不聽凡有責者有判書以治則聽凡民同貨財者令以國法行之犯令者刑罰之凡屬責者以其地傳而聽其辭凡盜賊軍鄉邑及家人殺之無罪凡報仇讎者書於士殺之無罪若邦凶荒札喪寇戎之故則令邦國都家縣鄙慮刑貶得拾遺者獲俘獲者委於聽訟之朝告於議訟之士以待其人而反之也旬而舉之日久無久於是舉而入之大者没入公家

小者入于得獲之人也期外不期聽者所以息獄息訟也負財曰責責者負財之人也有判書以治取責之人以判書來訟也同貨財者以已物借人之人也令以國法行之謂以國服之法為之息也犯令者違法取利也屬責者親屬之負財者親屬無判書則以他相比近之人為證而听之也賊害也凡盜賊軍鄉邑及家謂凡為盜者曾以爭戰行劫害吾師軍若鄉若邑若家者此則凡人皆許殺之不加罪也凡報殺人之仇曾言於官罪狀明白而不相辟亦許殺之凶荒札喪寇戎民困之時也法不寬減民愈窮矣故外令邦國內令都家縣鄙謀慮其刑而貶輕之也臣按鄉士遂士縣士方士訝士朝士六官乃通天下執法

之官鄉士遂士縣士執鄉遂之法方士執都鄙之法訝士執邦國之法朝士執朝廷之法夫先王以道為治法非所尚然道有時而窮非法何以濟乎道之不及哉是則謂先王用法以為治固不可謂先王外法以為治尤不可也

司命掌登萬民之數自生齒以上皆書於辨版其國中與其都鄙及其郊野歲登下其死生及三年大比以萬民之數詔司寇司寇及孟冬祀司民之日獻其數於王王拜受之登于天府內史司會冢宰貳之以贊王治

生齒者男八月女七月而生齒也版戶籍也辨其國中都鄙郊野者徧畿內而言也歲登下其死生者歲造其籍生者上其名

死死者除其名也刑之繁省於是驗矣司民必祀民數必獻必登于天府以見民命之重也贊王治者為制國用也然內史司會冢宰曰貳又見民實主於司寇而謹刑之矣益重於財矣臣按司民掌民數不屬之地官而屬於秋官者此先王之深意也蓋民為邦之本聖人豈故欲死民以傷其本哉其害吾邦之本者爾然先王有是心主刑者未必皆体先王之心也故設司民之官以天子重民之意警有司濫刑之失其垂戒深矣後儒或取而入於地官使民聖人生民之意不存不亦誤哉

司刑掌五刑之法以麗萬民之罪墨罪五百劓罪五百宮罪五百剕罪五百殺罪五百若司寇斷獄弊訟則以五刑之法徃詔刑罰

而以辨罪之輕重

墨者黥其面劓者截其鼻宮者男子割勢婦人幽閉則者斷其足殺者死刑者也司寇斷獄弊訟之時則舉刑書徃告以刑罰以此而辨其罪之輕重也

司刺掌三刺三宥三赦之法以詔司寇聽獄訟壹刺曰訊群臣再刺曰訊群吏三刺曰訊萬民一宥曰不識再宥曰過失三宥曰遺亡一赦曰幼弱再赦曰老耄三赦曰蠢愚以此三法者求民情斷民中而施上服下服之罪然後刑殺

刺訊也殺也謂訊而罪定則殺之也訊問也謂以司寇已成之獄訟問於衆人也宥寬也赦舍也言司寇斷其罪有當赦者未

敢遽殺必三訊之皆曰可殺然後殺之否則不殺也或有罪未

可殺情又可疑而當宥者未敢遽宥必三宥之有一可宥即宥

之否則不宥也又有罪更輕情又可矜而當殺者未敢遽赦必

三赦之有一可赦即赦之否則不赦也群臣群臣吏萬民自近

及遠也不識無知者過失誤者遺忘失記者幼弱童稚者老耄

壽考者蠢亦愚也蠢愚痴騃者以此刺宥赦之三法求民情而

斷以中道予以定其所當得之罪然後或刑或殺各得其罪矣

司約掌邦國及萬民之約劑治神之約為上治民之約次之治地

之約次之治功之約次之治器之約次之治擊之約次之九大約

劑書于宗彝小約劑書於丹徒若有訟者則珥音二而辟音關藏其不

信者服墨刑若大亂則六官辟藏其不信者

約信語之約束有約以結其信有劑以固其約謂之約劑則約而有其劑也此六約者諸侯以下至於民皆有焉治理之也神約所當祀之神民約所當治之民地約所當得之地功約所當褒之功審約所當用之器摯約所當執之摯以重輕為之序也則書于宗廟之彝器盟諸鬼神示無疑也小約劑万民約也則書于官府之冊畫其色以冊示無隱昧有爭約劑而訟者則先殺牲以饗尸然後開辟府藏取約書而視之其不如約書者則施以墨刑為其墨而不明故也大亂謂僭亂廢約如曾用天子禮樂托為先王之賜是楚僭稱王號不用先王之封若此類者

其罪非小故六官同開藏視約書有不如約者則誅之也

司盟掌盟載之法凡邦國有疑會同則掌其盟約之載及其禮儀北面詔明神既盟則貳之盟萬民之任命者詛其不信者亦如之凡民之有約劑者其貳在司盟有獄訟則使之盟詛凡盟詛各以其地之域象庶共其牲而致焉既盟則為司盟共其酒脯

盟為約而盟於神載為辭而載於書故又曰盟約之載諸侯不協而王會同焉則書盟掌其盟約之載書與合盟之禮儀明神明察之神詔之者讀載書以告之也北面者神明南向故也貳之者既盟之後上其載書於天府而司盟藏其貳也盟盟將來詛詛徃過言不特邦國也至於万民之違命者則盟以結之其

有不信者則詛以禍之盟詛萬民雖與邦國異而詔明神與貳之則同也又不特此也凡民之自相約劑者其貳亦在司盟或有違盟而與獄訟者則使之盟詛彼不信者自然不敢听此盟所以省獄訟也地域之衆庶共其牲者使其邑同出牲而秉盟也為司盟共其酒脯者使出酒脯司盟為之祈神明使不信者必凶也臣按司刑司約司盟四官乃掌刑殺盟約之官夫斷者不可復續而先王有墨劓宮則之刑死者不可復生而先王有大辟之刑非恃以傷民也設之使有懼而已使或犯焉未至於可殺固用三宥三赦之法其或嚴于五刑必三以訊之求所以生之而不得然後殺之則先王之刑一人何其審哉又况

司約之掌約劑託文辭以禁之司盟之掌盟載托明神以禁之其欲人之不犯于法其意深矣

職金掌凡金玉錫石丹青之戒令受其入征者辨其物之媿惡與其數量揭而璽之入其金錫于為兵器之府入其玉石丹青于守藏之府入其要掌受士之金罰貨罰入于司兵旅于上帝則共其金版饗諸侯亦如之凡國有大故而用金石則掌其令

石瑤琨之類丹丹砂也青空青也受其入則受其地官所入者受其征則受其所賦於民者辨其媿惡以知精粗辨其數量以知多寡揭其名物以印封之所以謹其藏也入金錫于為兵器之府則入于橐人也入玉石丹青于守藏之府則入于玉府內

府也入其要則入計書于大府也金罰贖刑之罰貨罰司關所
謂凡貨不出於官者舉其貨是也入于司兵者金以作兵器貨
以市物料也金版蓋以金鈔版皇卽所用也饗諸侯亦如之則
承賓如承賓也凡國有大故而用金石則凡器械有用金石者
職金則掌其所取之令也

司厲掌盜賊之任器貨賄辨其物皆有數量賈而揭之入于司兵
其奴男子入于罪隸女子入于春槩凡有爵者與七十者與未亂
者皆不為奴

任器貨賄盜賊所用傷人兵器及所盜財物也賈而揭之定其
價而識之也入于司兵以充兵器之用也凡坐為盜賊而為奴

者男子輸於罪隸女子輸於春人槩人之官以役之也毀齒謂
之亂男子八歲毀齒女子七歲毀齒有爵者不為奴貴也七十
者不為奴老也未亂者不為奴慈幼也

犬人掌犬牲凡祭祀共其犬牲用牲物瘞亦如之凡幾音禡珥沈辜
用駝可也凡相犬牽犬者屬焉掌其政治

伏謂輟祭瘞謂地祭幾通作釧幾珥釁禮之事沈川澤之祭辜
四方百物之祭駝雜也用駝不若牲之為善故曰可也相犬者
賈牽犬者徒皆犬人所統而掌其政治也臣按職金司厲犬人
三官乃掌刑官所用所入之官蓋金貨刑罰所入者器物奴婢
盜賊所沒者犬牲則刑官所奉以祭者此先王以類而設屬又

以其便而取用後儒以大人而屬春官殆非先王之意矣
司圜掌收教罷民凡害人者弗使寇飾而加明刑焉任之以事而
收教之上罪三年而舍中罪二年而舍下罪一年而舍其不能改
而出圜土者殺雖出三年不齒凡圜土之刑人也不虧體其罰人
也不虧財

此官所掌即大司寇以圜土聚教罷民者而非嘉石之所平者
也蓋嘉石所平者未嚴於法此圜土所收教者已嚴於法但雖
嚴於法但雖嚴於法未入於五刑也弗使寇飾示不能以礼自
飾其躬也前曰施職事此曰刑之以事皆謂役之未必於司空
也故此所役之期又深於嘉石之罷名民矣出三年不齒者謂

役滿而出者非謂出圜土者也然其刑人也加明刑而已異於
五刑之虧體也其罰人也任以事而已異於五罰之出鍰也此
謂之收教與

掌囚掌守盜賊凡囚者上罪桎梏中罪桎梏下罪桎梏王之
同族拳有爵者桎以待斃罪及刑殺告刑于王奉而適朝士加明
桎以適市而刑殺之凡有爵者與王之同族奉而適甸師以待刑殺
木其項曰桎木其手曰拳木其足曰桎上罪三木備中罪二木
下罪一木王之同族雖上罪亦止拳其手有爵者雖上罪亦止
桎其足凡此皆所以械囚以待斃罪及當刑殺之時則告于王
當刑則曰某之罪在小辟當殺則曰某之罪在大辟既告于王

又適朝士蓋以朝士掌外朝又得以詳審焉朝士以為無可疑則加明刑於桎上書其所犯使見者知其罪乃適市而刑殺之適市者暴其罪以為萬民之戒也凡有爵者與王之同族當殺不肆諸市則奉而適甸師氏以待刑殺蓋刑于隱親親貴貴之義也

掌戮掌斬殺賊謀而搏之凡殺其親者焚之殺王之親者辜之凡殺殺人者陪諸市肆之三日刑盜于市凡罪麗於法者亦如之唯王之同族與有爵者殺之于甸師氏凡軍旅田役斬殺刑戮亦如之墨者使守門劓者使守闕宮者使守內則者使守圉髡者使守積賊為國寇害者謀為敵反間者其罪最大故斬殺之而又磔裂

其尸殺其親者燒而焚之不存其形殺王之親者辜驅其尸不全體凡民之殺仁者僇仆其尸而暴其形盜之罪未至於死而當刑者必于市而辱之不惟盜者也其他罪之已麗於法而當刑者亦于市也斬殺大辟也刑戮墨劓宮則亦如之皆如上所聞云也墨者無妨禁禦故使守門劓者形貌醜惡故使守闕宮者人道已絕故使守內則者足無急行使其守圉髡者髡頭王族之刑蓋王族不翦其類故以髡代宮積在隱處故使守之也臣按司圜掌囚掌戮三官司圜掌罪之輕而可教者掌囚掌戮掌罪之輕重而當棄者先王之教豈待圜土而後施哉教之司徒不率而入刑憲故困之於圜圍以為民之福堂也仁民之德

茲其深矣至於罪惡五刑而有掌囚之官以司其輕重之等親
貴之別建用刑之際而掌戮者又不失乎輕重之分是於刑之
中禮義存焉况受刑者已為棄民而又養之以全其餘年所謂
王無棄民於此見矣

司隸掌五隸之法辨其物而掌其政令帥其民而搏盜賊役國中
之辱事為百官積在器凡囚執人之事邦國有祭祀賓客喪紀之
事則役其煩辱之事掌帥四翟之隸使之皆服其邦之服執其邦
之兵守王宮與野舍之厲禁

五隸之法役使五隸之節制也辨其物即使之皆服其邦之服
執其邦之器也掌其政令正之則有政使之則有令也民五隸

掌役牧人養牛馬役於牧人而為之養牛馬也與鳥言夷狄之
人或曉鳥獸之言者故使掌之

貉隸掌役服不氏而養獸而教擾之掌與獸言其守王宮與其守
厲禁者如蠻隸之事

獸謂熊虎兕象之屬不言阜蕃者猛獸不乳於圈檻也與獸言
如介葛盧聞牛鳴曰是生三犧皆用矣是識其所言也臣按司
隸罪隸蠻隸閩隸貉隸六官乃掌搏執守衛之官而司隸為之
掌夫盜賊與四夷乃為國家之害者今皆藉之以為搏擊之用
腹心之術豈非德之盛者徂詐咸作使而異於德不足者赤子
咸作敵哉噫後世欲知聖人德化之廣遠於此可以觀矣後儒

乃以此六官盡屬之司為非也

周禮會註卷之十二

周禮會註卷之十三

布憲掌憲邦之刑禁正月之吉執旌節以宣布于四方而憲邦之刑禁以誥四方邦國及其都鄙達于四海凡邦之大事合衆庶則以刑禁號令

官名布憲而所掌止憲邦之刑禁蓋以表示為主也故下文亦曰宣布于四方而憲邦之刑禁爾刑禁五刑禁五禁也然所以憲邦之刑禁者以誥治四方之邦國及邦國之都鄙達于四海爾若國有大事合人民則以國之刑禁號以召之令以命之也禁殺戮掌司斬殺戮者凡傷人見血而不以告者攘獄者過訟者以告而誅之

司主守也所司有四者謂吏民私相斬殺者謂事不聞官而傷人見血者謂攘却獄吏之追捕者謂過止怨家之訟于官者司此四者以告于有司而誅之也

禁暴氏掌禁四民之亂暴力正者撻誣犯禁者作言語而不信者以告而誅之凡國聚衆庶則戮其犯禁者以徇凡奚隸聚而出入者則司牧之戮其犯禁者

禁暴氏之所禁者謂悖亂暴虐而強力為正者謂矯詐誣罔而違犯刑禁者謂造為妖言而搖惑人心者犯此三者則告于有司而誅之也大衆所聚有犯禁者則戮之以徇于衆奚女隸男奴牧使也治也言奚隸聚而出入禁暴氏主而使治之也

野廬氏掌達國道路至于四畿北國郊及野之道路宿息井樹若有賓客則令守塗地之人聚擻音之有相翔者誅之凡道路之舟車擊音互者叙而行之凡有鄰者及有鄰者至則為之辟禁野之橫行徑踰者凡國之大事比脩除道路者掌凡道禁邦之大師則令埽道路且以幾禁行作不時者不物者

達國道路至于四畿者循行修築使不陷絕而行者得通于畿也自國之郊及野皆有宿息井樹比較之樹夜可以寢晝可以息有井以備飲食有樹以為蕃蔽所以待賓旅也守塗地之人廬傍居民也聚而擊擻所以防暴客也相翔回翔相視欲為盜寇者誅之所以禦姦也擊車轄相擊互差互也舟車行於水陸

有相擊差互者因其先後之序以次而行之使無鬪爭也有節者為之辟尊王命也有爵者為之辟教王官也橫行邪行而暴禾稼者徑踰捷出而越隄渠者國有師田之事則比校除道之民夫也幾察也不時謂行作失早晚之時不物謂操持非常用之物皆姦人欲為寇盜者故察而禁之也

蜡氏掌除骹凡國之大祭祀令州里除不蠲禁刑者任人及凶服者以及郊野大師大賓客亦如之若有死於道路者則令埋而致搗焉書其日月焉縣其衣服任器于有地之官以待其人掌凡國之骹禁

骹死人之骨也除者屏而埋之不令暴露也祭祀所以致其精誠以交於神明故令州里凡不潔之物則除之受黥劓之任司圜之事者衣衰經之服者則禁之不使見凶穢也大師賓客亦如之者亦使不見祥也有客死于途者既為斂而瘞之又剝木為碑書其死之日月也植于瘞所使其親舊得以物色也有地之官主此地之吏也縣其衣服任器以待其家屬識取之也骹禁如掩骼埋胔之令也

雍氏掌溝瀆澮池之禁凡害於國稼者春令為阱獲溝瀆之利於民者秋令塞阱杜獲禁山之為苑澤之沈者

溝瀆澮以通水陂障為池以積水皆以灌溉禾稼者苟塞其通決其障則害於國稼故禁之阱坑坎也獲機檻也春苗生之時

令為阱取獸不使害苗令為溝瀆通水欲使灌苗皆所以利民者至秋收成之際令塞阱杜獲恐為人害也禁為苑囿於山投毒餌於澤惡殄天物也

泮氏掌國之水禁幾酒禁川游者

水禁禁其非時之入水捕魚恐其冒利而溺也幾酒察其造酒之過多也謹酒戒其飲酒之無節也禁川游禁其浮水而汨恐冒險而溺也掌水禁而并掌酒禁者酒之溺人猶水也

司寤氏掌夜時以星分夜以詔夜士夜禁禦晨行者禁宵行者夜游者

掌夜時者掌夜之早晚也以星分夜以星之見為夜沒為曉也

以是而詔守夜之士行夜禁星未沒而行者晨行也禦之使須明而行夜已深而行者宵行也禁之使不得行夜而遨遊者非其時也故亦禁之

司烜氏掌以夫遂取明火於日以鑿取明水於月以共祭祀之明盞明燭共明水凡邦之大事共墳燭庭燎中春以木鐸脩火禁于國中軍旅脩火禁邦若屋誅則為明窰音焉

夫遂陽遂也鑿方諸也二者皆鏡屬而其体有方圓之不同先王於天地宗廟社稷之祭以陽遂取火於日以方諸取水於月盖欲得陰陽至精之氣以將其誠致其潔也明盞以明水為盞盛也明燭用明火照俎豆也明水以明水為玄酒也墳大也樹

於門外白墻燭樹於庭中曰庭燎皆所以照衆為明也季春將出火故中春循火禁先事而戒也軍旅脩火禁大衆所在宜致謹故也屋除不殺於市而誅於甸師氏屋舍中即王之同族及有爵者也竈為墻以埋其尸也謂之明竈者書其姓名揭於墻上以識之也

條狼氏掌執鞭以趨辟王出入則八人夾道公則六人侯伯則四人子男則二人凡誓執鞭以趨於前且命之僕誓右曰殺誓馭四車轅誓大夫曰敢不關鞭五百誓師曰三百誓邦之大史曰殺誓小史曰墨

尊貴者之出入不宜有狼藉於道路之上者故條狼氏執鞭趨走以辟除行人也誓謂出軍時之誓也勇力之士在車之右曰僕右在車之左執以御馬曰馭車轅車裂也師樂師者也執同律以聽軍聲而詔吉凶者大史抱天時與大師同車者小史佐大史者違誓之刑有輕重者以其所責有大小也

脩閭氏掌比國中宿互據者與其國弼而比其追胥者而賞罰之禁踰者與以兵革趨行者與馳聘於國中者邦有故則令守其閭互唯執節者不幾

宿守宿互斷夜行之行馬據行夜所擊木此人脩閭氏掌比校之國弼國所養之羨卒此人比較之使何逐寇盜以賞罰而勸懲之也凡行而不由正道者持兵披甲而趨走者躍馬馳驅

於道中者皆足以惑人故禁焉國有大故則令守其閭五以備不
虞也唯執節者不幾見無節者皆在所幾也臣按布憲禁殺戮
禁暴氏野廬氏蜡氏雍氏萍氏司寤氏司烜氏條狼氏修閭氏
十一官皆掌刑禁之官布憲通氏禁於天下禁殺戮禁暴氏掌
萬民相殺相陵之禁野廬氏掌道路之禁蜡氏之骹禁雍氏溝
池之禁洋氏之水禁司寤氏之夜禁司烜氏之火禁條狼氏行
人之禁脩閭氏閭里之禁由是觀之先王之設刑官而禁居大
半焉則是切切焉於心雖欲其民之不犯也吾不欲民之犯而
民故犯之則是民之入於刑矣而非先王刑之也由是先王之
心始得而無恨矣後儒以雍氏萍氏入冬官司烜入春官奚可哉

冥氏掌設弧張為阱獲以攻猛獸以靈鼓毆之若得其獸則獻其
皮革齒須備

弧機弩張置罟也靈鼓六面鼓也毆之使驚趨阱獲也須領下之
鬚備謂爪也攻猛獸本以為人除害又因資其利用也

庶氏掌除蠱毒以攻說禴之嘉草攻之凡歐蠱則令之比之

蠱毒之病人非一種也攻說祈名禴除也以攻說禴之者祈其
神求去之也以嘉草攻之者用藥草燻之也令令其徒也比較
其事也

兕氏掌攻螫獸各以其物火之以時獻其珍異皮革

螫獸狐狸之屬火之燻以出之也既得之則獻其珍異皮革如

爪牙可備用皮華可製裘也

蓬氏掌攻猛鳥各以其物為媒而擗之以時獻其羽翮

猛鳥鷹隼之屬以其物為媒而擗之者隨其性所宜之物為媒以招之如鳩鴿之屬鳥來下則係其足也既獲之則獻其物以共用也

柞氏掌攻草木及林麓夏日至冬刊陽木而火之冬日至今剝陰木而水之若欲其化也則春秋變其水火凡攻木者掌其政令

草木林麓皆妨民之稼穡者故柞氏掌攻治之生山南為陽木生山北為陰木刊剝皆斫去其皮也夏日至陽極之時也刊陽木而火之則不勝其陽而死且不肆焉化欲使化而為土也春

秋變其水火者陰木嘗以冬至之日水之矣至春又從而火之陽木嘗以夏至火之矣至秋又從而水之則陰陽之氣相殄化而為土矣

雉氏掌殺草春始生而萌之夏日至而夷之秋繩音盈而芟之冬日

至而邦之若欲其化也則以水火變之掌凡殺草之政令

萌謂始生未有可化且俟其萌長也夷謂長茂則刈平之也先儒謂含實曰繩似無擬疑當作繩音盈說文云繩蟲之大腹者如此則含曰實蠅義可通矣芟謂除其蠅也邦則黎去其根也以水火變之者於所夷所芟所邦之草先以火燒之又從以水沃之如月令所謂如以執湯則草安得不化而為土哉

哲族氏掌覆天鳥之巢以方書十日之號十有二辰之號十有二
月之號十有二歲之號二十有八星之號縣其窠上則去之

天鳥如鴉鵂之類鴉鳴其人必死鵂鳴其家必禍皆不祥之物
也覆巢絕其類也方版也十日從甲至癸也十二辰從子至亥
也十二月從輒至荼也十二歲從攝提格至赤奮若也二十八
星從角至軫也書此五者於版縣諸其巢之上則衆神臨之正
氣所萃是以妖邪之物不能自存丘葵曰天鳥避此五者理或
有之鵲忌庶燕避戊己虎豹知衝破鵲作窠避太歲以此觀之
周公不虛言也

翦氏掌除蠱物以攻禳攻之以莽草熏之凡庶蠱之事

蠱物穿食人器物者攻禳祈名以攻禳祈而去之以莽草熏而
殺之庶蠱謂除蠱毒也庶蠱既庶氏掌之翦氏又兼掌之也

赤友氏掌除墻屋以蜃炭攻之以灰洒毒之凡隙屋除其裡蠱
除墻屋者除其中所藏之蠱豸也如護蝎蜈蚣之類能毒螫人
者蜃大蛤也搗其炭以坩之則走沃灰以洒之則死隙屋屋之
孔隙蠱豸之所埋藏者

蜃氏掌去鼃鼃焚牡鞠以灰洒之則死以其煙被之則凡水蟲無
聲

鼃與蛙同蝦蟇也鼃亦蛙屬去之者以祭祀燕饗齊戒會同之
際以肅靜為敬其喧鳴聒人不可不禁也牡鞠菊不華者以灰

洒之則死以烟隨風而被之則水蟲皆不鳴矣

壺涿氏掌除水蟲以炮土之鼓歐之以焚石投之若欲殺其神則以牡槀午貫象齒而沈之則其神死淵為陵

水蟲孤域之屬能為人物之害者也炮土之鼓瓦鼓也歐之以瓦鼓投之以焚石欲使水蟲驚去若不去必有妖神以主之者如龍罔象是也牡槀榆木也象齒象牙也以山榆為幹以象齒從橫貫之而沈乎水中則可殺水蟲之神使深淵化為丘陵矣漣氏掌射國中之妖鳥若不見其鳥獸則以救日之弓與救月之矢夜射之若神也則以太陰之弓與杜矢射之

不見其鳥獸夜來鳴呼聞其聲而不見其形也救日之弓名太

陽救月之矢名恒矢救月之弓名太陰救日之矢名枉矢互言之也日食陽氣微也月食陰氣微也故以太陰之弓與恒矢射之助陰氣也此弓矢嘗用之以救日月則其精氣足以勝妖故用陽弓陰矢以射之則其妖息若非妖鳥之聲而妖神為怪則用陰弓陽矢以射之則其神亦滅矣臣按冥氏庶氏宍氏翬氏柝氏糴氏哲蕞氏翦氏赤友蠲氏壺涿氏庭氏十二官乃掌除民物之害者柝氏糴氏除草木之害其餘皆除禽獸之害夫愛物者聖人之心故雖草木禽獸莫不使之各遂其生而乃驅除之若是何哉蓋生物者聖人之心故物之害物正聖人之所惡也是則愛物者愛其利於世除物者除其患於世也愛物所以

推其仁民之心餘恩除物豈其非其擴殺民之大義歟後儒折
柝氏雍氏入冬官誤矣

街枚氏掌司顓國之大祭祀令禁無蹏軍旅田役令街枚掌蹏呼
歎鳴於國中者行歌哭於國中之道者

祭祀以事神貴之靜而肅故禁無蹏師田以整衆貴靜而嚴故
令止語叫呼大聲而呼嘆鳴驚嗟而嘆國中不宜呼嘆道上不
宜歌哭皆足以感人而感衆故禁之也

伊耆氏掌國之大祭祀共其杖咸軍旅受有爵者杖共王之蓋杖
咸謂函謂杖函也老成雖杖於朝祭祀尚敬則去杖伊耆氏共
其函以藏之既事乃授之也軍旅有爵者之杖則授之王錫老

臣之杖則共之

大行人掌大賓之禮及大客之儀以親諸侯春朝諸侯而圖天下
之事秋覲以比邦國之功夏宗以陳天下之謨冬遇以協諸侯之
慮時會以發四方之禁殷同以施天下之政時聘以結諸侯之好殷
願以除邦國之慝間問以諭諸侯之志歸服以交諸侯之福賀慶以
替諸侯之喜致禮以補諸侯之戒大賓謂來朝之諸侯大客謂來
賓之孤卿禮以本言儀以文言對舉之互文也春見曰朝則固其
事之可否秋見曰覲則比其功之高下夏見曰宗則陳其謨之
是非冬見曰遇則合其慮之異同時見曰會謂王將有征討之事
而會諸侯也則徵其師旅以施九伐之法殷見曰同謂王不巡狩
而諸侯皆來朝也則考其制度亦如方岳之禮時

聘曰問謂諸侯使大夫來聘親以禮見之所以結其恩好也殷
覲曰視謂諸侯使卿來朝王以政禁命之所以除其惡行也問
問者天子間歲遣使一問諸侯所以通君臣之志歸脠者天子
祭祀以胙分賜諸侯所以同上下之福諸侯有喜則慶賀以贊
之所以同其樂諸侯有裁則致禮以補之所以同其憂

以九儀辨諸侯之命等諸侯之爵以同邦國之禮而待其賓客上
公之禮執桓圭九寸纁藉九寸冕服九章建常九旒樊纓九就貳
車九乘介九人禮九年其朝位賓主之間九十二步當車軹擯者
五人廟中將幣三享王禮再裸而酢饗禮九獻食禮九舉出入五
積三問三勞諸侯之禮執信圭七寸纁藉七寸冕服七章建常七

游樊纓七就貳車七事介七人禮七年朝位賓主之間七十步立
當前疾擯者四人廟中將幣三享王禮壹裸而酢饗禮七饗食禮
七舉出入四積再勞諸伯執躬圭其他皆如諸侯之禮諸子執穀
璧五寸纁藉五寸冕服五章建常五旒樊纓五就貳車五乘介五
人禮五年朝位賓主之間五十二當車衡擯者三人廟中將幣三
享五禮壹裸不酢饗禮五獻食禮五舉出入三積壹問壹勞諸男
執蒲璧其他皆如諸子之禮凡大國之孤執皮帛以繼小國
之君出入三積不問一勞朝位皆車前不交擯廟中無相以禮
酒之其他皆祗小國之君凡諸侯之卿其禮各下其君二等以下
及其大夫士皆如之

九儀謂命者五公侯伯子男也爵者四孤卿大夫士也凡諸侯
來朝之禮曰圭璧執之以見王者也曰纁藉所以藉王者也曰
冕服者冕所服之衣也曰建常所建之旌旗也樊纓所以飾馬
也貳車副車無飾者也介輔已行礼者也禮大禮饗餼也朝位
大門外賓下車及王車出迎所立處也車軹車輪之穿為道絃
也擯所使傳命相禮者也將幣諸侯送幣以饗王也王禮王以
鬱鬯禮賓也饗禮以飲為主者也食禮以食為主者也出入自
來以至於去也問問其無恙也勞慰其勞苦也凡此十八事者
諸侯之禮皆同而有隆殺之等焉前疾者轅曲中在軹之前衡之後也大國之孤
命來朝而朝見於天子則以皮帛為贄次於子男之後不交擯謂不使介傳辭

之民也盜賊之未獲者則司隸帥而搏之國中汚辱之事則司
隸帥而役之百官任用之器亦其民為積之有罪之人亦司隸
使囚執之至於祭祀賓客喪紀煩辱之事亦役之也服其邦之
服者以其所素安執其邦之賓者以其所素習在內則使之守
王宮在外則使之守野舍之厲禁也

罪隸掌役百官府與有守者掌使令之小事凡封國若家牛助為
牽徬其守王宮與其厲禁者如蠻隸之事

百官府與有守者罪隸為之役雖充其役但掌使令之小事而
已封國若邦家謂建諸侯立大夫也牛助謂以官牛助其運物
徃至任所也在前曰牽在旁曰徬言罪隸為牽徬之也

蠻隸掌役校人養馬其在王宮者執其國之兵以守王宮在野外則守厲禁

校人其徒八十人有不足以給其役故蠻隸為校人所役使以養馬其守衛之備亦各從其所便之器也

閩隸掌役畜養鳥而阜蕃教擾之掌子則取隸焉

掌役畜養鳥役於掌畜而為之養鳥也阜蕃使之盛大滋息也教擾使從人意也子鳥所生者閩隸掌阜蕃其物則養之而使取隸於已也

夷隸掌役牧人養牛馬與鳥言其守王宮與其守厲禁者如蠻隸之事

交於王之擯而親自對擯也廟中無相謂介皆入門西上而立不前相禮也以酒禮之謂以齊酒不用鬱鬯也卿各下其君二等若公之卿以七侯伯之卿以五子男之卿以三大夫又各下卿二等士又降於大夫也

邦畿方千里其外方五百里謂之侯服歲壹見其貢祀物又其外方五百里謂之甸服二歲壹見其貢嬪物又其外方五百里謂之男服三歲壹見其貢器物又其外方五百里謂之采服四歲壹見其貢服物又其外方五百里謂之衛服五歲壹見其貢材物又其外方五百里謂之要服六歲壹見其貢貨物九州之外謂之蕃國世壹見各以其所貴寶為執

諸侯之國其道里有遠近之殊故朝見有疏數之節至其貢物亦因其土地之宜也但此之貢是因朝而貢與大宰九貢及下小行人春入貢者不同彼二者是歲之常貢也祀物犧牲之屬嬪物絲枲也器物尊彝之屬服物玄纁絺纈也材物八材也貨物龜貝也世壹見者無朝貢之期父死子立及嗣王即位乃一來耳各以其所貴爲摯者謂隨其國所貴重之寶以爲摯如島夷之卉服西戎之織文是也

王之所以撫邦國諸侯者歲徧存三歲徧覲五歲徧省七歲屬象胥諭言語協辭命九歲屬瞽史諭書名聽聲音十有一歲達瑞節同度量成牢禮同數器脩灋則十有二歲王巡守殷國

歲巡狩之明年以爲始也存者問其安否覲者視其治效省者察其風化通五方之言語協九等之辭命象胥之職也故七歲則以屬象胥達六書之文察五音之和瞽史之職也故九歲則以屬瞽史至於十有一歲王將巡狩矣列國之瑞節度量牢禮數器法則有不一者大行人從而達同成脩以齊等之爲巡狩考制度張本也十有二歲王巡狩則諸侯各朝于方岳不巡狩則會諸侯而殷見皆所以撫邦國也此一經是王撫諸侯之事對上經是諸侯撫王室之事

凡諸侯_之王事辨其位正其等協其禮賓而見之若有大喪則詔相諸侯之禮若有四方之大事則受其幣聽其辭凡諸侯之邦交歲

相問也殷相聘也世相朝也

此言諸侯有朝王之事辨其賓主之位正其尊卑之等協其饗
饋饗食之禮以賓禮而見之國有大喪諸侯入弔臨者齊斬之
服擗踊之節必教告而相導之列國被寇戎而來告者受其贄
幣而聽其告急之辭以達于王也諸侯之交鄰國每年則小聘
以相問久年無事則行盛禮以相聘繼世而立則親往以相朝
凡此皆所以習禮考義正刑一德以尊天子故大行人掌其事
也

小行人掌邦國賓客之禮籍以待四方之使者令諸侯春入貢秋
獻功王親受之各以其國之籍禮之凡諸侯入王則迎勞于畿及
郊勞既館將幣爲承而擯凡四方之使者大客則擯小客則受其
幣而聽其辭

禮籍諸侯名位尊卑禮節隆殺之書也使者諸侯之臣使來者
也貢謂天子所食列國之貢大國貢半次國三之一小國四之
一冬成而收之春朝而入焉功考績之功也各以其國之籍禮
之者謂依其常籍隨尊卑以禮待之也入王入朝于王也諸侯
來朝其未至則有迎勞郊勞之禮其既至則有既館將幣之儀
皆王遣公卿以示誠意之厚小行人則爲次擯也若四方之使
者大客則爲之擯而見之王使得自言也小客則受其贄幣入
以告王所爲來之事也

使適四方協九儀賓客之禮朝覲宗遇會同君之禮也存覲省聘問臣之禮也

賓五客四其禮不同故有九儀使適四方王使小行人之四方也朝覲宗遇會同六者諸侯事君之禮也存覲省聘問五者天子撫臣之禮也

達天下之六節山國用虎節土國用人節澤國用龍節皆以金爲之道路用旌節門關用符節都鄙用節皆以竹爲之

此六節是諸侯使者聘於天子之所執也掌節所掌是天子使者於諸侯之所執也龍虎人皆以金爲之者取其不變之義也旌符管皆以竹爲之者取其自然之節也此都鄙邦國之都鄙

故用管節與王畿之都鄙用角節異耳

成六瑞王用珽

音鎮

圭公用桓圭侯用信圭伯用躬圭子用穀璧男

用蒲璧

成平也瑞信也皆朝見所執以爲信也故小行人平之

合六幣圭以馬璋以皮璧以帛琮以錦琥以繡璜以黼此六物者以和諸侯之好故

馬皮帛錦繡黼此六幣者即所謂庭實皆諸侯所以享於天子也五色全備謂之繡黼則白黑而已以其通情而來則謂之好以其因事而來則謂之故合六節焉所以和其好故不使之乖而已

若國札喪則令賻補之若國凶荒則令賙委之若國師役則令稿
檜之若國有福事則令慶賀之若國有禍裁則令哀吊之凡此五
物者治其事故

疾病爲札札而死曰喪札喪則在所賻補以禮傳之謂之賻助
其不足謂之補也穀不熟曰凶凶甚而爲荒凶荒則在所賙委
以利周之謂之賙以聚與之謂之委也如大宗伯以喪禮哀死
亡荒禮哀凶札是也有兵寇則謂之師會衆以興功則謂之役
師役則在所稿檜犒其勞則謂之稿會衆財以與之則謂之檜
如大宗伯以檜札哀圍敗以恤禮哀寇亂是也福事則在所慶
賀如大宗伯以慶賀之禮親異姓之國是也禍裁則在所哀吊

如大宗伯以吊禮哀禍裁是也五物即賻補賙委稿檜慶賀哀
吊是也事故即札喪凶荒師役福事禍裁是也此見天子之於
諸侯同其憂樂者也

及其萬民之利害爲一書其禮俗政事教治刑禁之逆順爲一書
其悖逆暴亂作慝猶犯令者爲一書其札喪凶荒厄貧爲一書其
康樂安親和平爲一書凡此物者每國辨異之以反命于王以周
知天下之故

此言行人之適四方必采其風俗美惡條錄爲書以報上焉所
以廣天子之視聽也諸侯之故孰有利於民者孰有害於民者
錄爲一書則興除之宜在是矣禮俗也政事也教治也刑禁也

諸侯所行有順逆從違錄爲一書則慶讓之道在是矣悖逆也
暴亂也作慝也犯令也諸侯罪惡有若是者錄爲一書則征誅
之舉在是矣札喪凶荒厄貧侯國有是者錄爲一書則王朝所
當恤者可知矣康樂和親安平侯國有如是者錄爲一書則王
朝所當褒者可知矣凡此五事者每國辨異之以爲使歸之獻
則王者不出戶而周知天下矣

司儀掌九儀之賓客擯相之禮以詔儀容辭令揖讓之節將合諸
侯則令爲壇三成官勞一門詔王儀南鄉見諸侯土揖庶姓時
揖異姓天揖同姓及其擯之各以其禮公於上等侯伯於中等
子男於下等其幣亦如之其禮亦如之王燕則諸侯毛

出接賓曰擯入贊禮曰相以詔者以禮告王儀容所以相接辭
令所以相與揖遜所以相欽合諸侯謂有事而會也爲壇乎國
外以命三成則三重也壇外爲宮方三百步每旁一門則四門
矣王儀王見諸侯之儀也庶姓無親者也土揖則下手揖之異
姓昏姻也時揖則平手揖之同姓宗室也天揖則舉手揖之擯
擯諸侯以前見於王也各以其禮隨爵之尊卑而降殺也壇有
三重擯公於第一重侯伯於第二重子男於第三重其將幣以
享亦分三等其行裸將之禮亦然朝享畢而燕則以髮之白黑
爲坐次也朝尚爵貴貴之義也燕尚齒老老之義也

凡諸公相爲賓主國五積三問皆三辭拜受皆旒擯再勞三辭三

揖登拜受拜送主君郊勞交擯三辭車逆拜辱三揖三辭拜受車
送三還再拜致館亦如之致殮如致積之禮及將幣交擯三辭車
逆拜辱賓車進答拜三揖三讓每門止一相及廟唯上相入賓三
揖三讓登再拜授幣賓拜送幣每事如初賓亦如之及出車送三
請三進再拜賓三還三辭告辟致饗餼還圭饗食致贈郊送皆如
將幣之儀賓之拜禮拜饗餼拜饗食賓繼主君如主國之禮諸侯
諸伯諸子諸男之相爲賓也各以其禮相待也如諸公之儀

相爲賓謂相朝也以諸公相朝之禮言之賓始至境主國於其
止宿則致五積以其間閱則使士致三問於其積問皆三辭不
敢當然後拜受於庭旅陳也旅擯公之九擯陳之而已以主國

方遣臣來無事於交擯也及入竟主君又使大夫再勞其道途
之苦賓又三辭不敢當然後三揖則入其門及當曲當碑登堂
拜受大夫尊於士故拜以送之及至郊主君親至郊勞於是
有交擯之禮交擯者各陳九介使傳辭也賓三辭郊勞之禮不敢
當然後乘車出舍門以迎主君既見則下拜以謝其屈辱而來
也其入門及當曲當碑又三揖致恭三辭致謙然後拜受其勞
主君之去賓出車以送之主君三還辭之賓仍再拜送之也使
大夫授館主君以禮親致館則如郊勞之禮使大夫致殮則如
致積之禮及賓致幣以享主君也交擯如前主君三辭不敢當
然後乘車出迎而拜謝其來辱也故賓乘車前前進答拜其迎

已也主君三揖使前賓三讓不進每門止一相彌相親也及廟
惟上相入以詔禮也賓三揖主君三讓登堂既登堂主君再拜
受賓所授之幣賓拜送其所享之幣也每事如初謂享及有言
也賓當爲儼謂以鬱鬯賓也上於下曰禮敵者曰儼及朝享而
出主君車送三請賓就車每一請則車一進欲遠送之又再拜
以致敬也辟去也主君三請三進賓亦三還三辭乃告辟而去
也致饗餼也還圭也饗也食也致贈也郊送也一皆如將幣之
儀賓於上六禮惟致饗餼致饗致食三禮則拜而謝之餘皆不
拜輕財重禮之意也繼主君謂儼主君也如主國之禮謂主爲
賓而賓爲主其禮與主國同也侯伯子男之相朝各視其命數
而爲禮之隆殺其行節亦與諸公同但侯伯則四積再問勞再
勞者一勞使大夫郊勞主君自親之介則七人再饗再食再燕
子男則三積一問一勞一勞者主君親郊勞而已介則五行一
饗一食一燕餘則同也

諸公之臣相爲國客則三積皆三辭拜受及大夫郊勞旅擯三辭
拜辱三讓登聽命下拜登受擯使者如初之儀及退拜送致館如
初之儀及將幣旅擯三辭拜逆客辟三揖每門止一相及廟唯君
相入三讓客登拜客三辟授幣下出每事如初之儀及禮私面私
獻皆再拜稽首君答拜出及中門之外問君客再拜對君拜客辟
而對君問大夫客對君勞客客再拜稽首君答拜客趨辟致饗餼

如勞之禮饗食還圭如將幣之儀君館客客辟介受命遂送客從拜辱于朝明日客拜禮賜遂行如入之積凡侯伯子男之臣以其國之爵相爲客而相禮其儀亦如之

相爲國客謂相聘也此諸公遣卿聘於隣國之禮也客至境則主國遣使致三積客皆三辭乃拜受客至郊則主君遣大夫迎勞客三辭乃拜使者辱命來於外三讓而升堂聽使者傳命畢然後下堂而拜命升堂而受命也客僉使者用束錦如主之勞客時用束帛也及使者退則客拜而送之客至則遣卿致館其辭讓拜受皆如郊勞之禮及客將幣陳其擯而不交主君三辭乃拜迎客避不敢答拜惟三揖之使前也及廟唯君相入者客

乃臣故其相不敢入也主君三讓客客登堂而主君拜客至也客三避主君之拜然後以君命授幣於主君授幣既畢則下堂而出也每事如初之儀亦謂享及有言者也客既卒聘主君以醴齊禮之客奉束帛請覲所謂私面私獻也客皆再拜稽首主君答拜出及大門之外主君問其君之無恙客再拜而對君若答拜客避而對若問大夫無恙客不拜而對君勞客行道之勤客再拜稽首謝君勞已也君若答拜客趨而避之致饗饋如勞之禮以卿致之也饗食還圭如將幣之儀君親致之也客將去主君就館省之盡慤勤也客不敢當主君之命而避之介則前而受命客將行至主君遂拜送客客未即去從而拜辱于朝主

君又加惠以乘禽之禮賜主明日客拜禮賜乃行其行也主國又致三積故曰如入之積也

凡四方之賓客禮儀辭命饋牢賜馭以二等從其爵而上下之凡賓客送迎同禮凡諸侯之交各稱其邦而爲之幣以其幣爲之禮凡行人之儀不朝不夕不正其主面亦不背客

禮儀見於容貌辭命見於問答饋牢禮之常也賜馭禮之加也以二等從其爵而上下降殺以兩也送逆同禮者來則迎之有問勞之儀去則送之有贈送之禮凡列國雜之禮以邦之大小而爲幣之隆殺以幣之隆殺而爲禮之厚薄日出於東爲朝日出於西爲夕主面南面也客北面也爲行人而擯相者不可向

東亦不可向西不可向南亦不可向北常視賓主之前却隨機旋轉不常厥處也

行夫掌邦國傳遽之小事媿惡而無禮者凡其使也必以旌節雖道有難而不時必達居其國則掌行人之勞辱事焉使則介之傳遽傳遽急遽媿福慶也惡凶荒也此皆事之小者無禮謂無儀容辭令之禮節者故行夫主使之其大有禮則大小行人主使之必以旌節者道路用旌節故也道有難而不時謂在道疾病及他故不得以時至也雖不如期必達之於所往之處不敢廢王命也焉語辭居於其國則凡行人煩勞汗辱之事皆掌之焉行人爲使則爲之介詔而或先或後亦其職也

環人掌送逆邦國之通賓客以路節達諸四方舍則授館令聚橐
有任器則令環之凡門闕無幾送逆及疆

通賓客以常事往來者也路節謂旌節館謂候館令聚橐令野
廬氏也賓客有用之器則亦令環衛之也環人持節出入門闕
不得而幾也疆王畿四方之界賓客則逆之於來送之以去不
越疆也

象胥掌蠻夷閩貉戎狄之國使掌傳王之言而諭說焉以和親之
若以時入賓則協其禮與其辭言傳之凡其出入送逆之禮節幣
帛辭令而擯相之凡國之大喪詔相國客之禮儀而正其位凡軍
旅會同受國客幣而賓禮之凡作事王之大事諸侯次事卿次事

大夫次事上士下事庶子

國使謂蕃國之臣來朝聘者以時入賓謂其君以世一見來朝
爲賓者其拜揖跪起之禮不同於中國象胥教以中國之儀而
譯其外國之音所以順其情也出而送入而逆皆爲擯而詔侑
其禮不以其陋而簡之也若其入賓而遇國之大喪則詔其哀
臨之儀正其坐立之位遇有軍旅會同之事則受其幣而以賓
夫禮之接作事謂作四夷之事也國之大事莫大於戎有戎事於
邦四夷則命諸侯其非戎事則量其輕重或以卿或以大夫或以
國士與庶子而已

掌客掌四方賓客之牢禮餼獻飲食之等數與其政治王合諸侯

而饗禮則具十有二牢庶具百物備諸侯長十有再獻王巡守殷國則國君膳以牲犢令百官百姓皆具從者三公牝上公之禮卿牝侯伯之禮大夫牝子男之禮士牝諸侯之卿禮庶子壹牝其大夫之禮

四方之賓客其名位不同故其牢禮餼馐飲食之等數亦異政治玉朝之典禮也王合諸侯而行饗禮則具十有二牢者以公侯伯子男盡在是故用王禮之數也庶羞百品莫不皆具厚其禮也諸侯長九命作伯者用十二獻者優尊之也王十二年而巡狩則列國皆朝所過之國共王之膳以牲犢貴其誠也共王之百官則具百牲以多爲貴也王之從臣其三公之禮比於上

公其卿之禮比其侯伯其大夫之禮比於子男士之禮比於諸侯之卿庶子之禮比於諸侯之大夫陰殺之等各有所視焉

凡諸侯之禮上公五積皆牝殮牽三問皆脩群介行人宰史皆有牢殮五牢食四十簋十豆四十鉶四十有二壺四十鼎簋十有二牲三十有六皆陳饗餼九牢其死牢如殮之陳牽四牢米百有二十筥醢醢百有二十壘車皆陳車米牝生牢十車車秉有五數車禾牝死牢牢十車車三秬芻薪倍禾皆陳乘禽日九十雙殷膳大牢以及歸三饗三食三燕若弗酢則以幣致之凡介行人宰史皆有殮饗餼以其爵等爲之牢禮之陳數唯上介有禽馐夫人致禮八壺八豆八籩膳大牢致饗大牢食大牢卿皆見以羔膳大牢侯

伯四積皆祗殮牽再問皆脩殮四牢食三十有二簋八豆三十有二
二釶二十有八壺三十有二鬲簋十有二腥二十有七皆陳饗饋
七牢其死牢如殮之陳牽三牢米百筥醢醢百甕皆陳米三十車
禾四十車芻薪倍未皆陳乘禽日七十雙殷膳大牢三饗再食再
燕凡介行人宰史皆有殮饗饋以其爵等爲之禮唯上介有禽獻
夫人致福八壺八豆八籩膳夫牢致饗大牢卿皆以羔膳特牛子
男三積皆祗殮牽壹門以脩殮三牢食二十有四簋六豆二十有
四釶十有八壺二十有四鬲簋十有二牲十有八皆陳饗饋五牢
其死牢如殮之陳牽二牢米八十筥醢醢八十甕皆陳米二十車
禾三十車芻薪倍未皆陳乘禽日五十雙壹饗壹食壹燕凡介行
人宰史皆有殮饗饋以其爵等爲之禮唯上介有禽獻夫人致禮
六壺六豆六籩膳祗致饗親見卿皆膳特牛凡諸侯之卿大夫士
爲國客則如其介之禮以待之

死牢已殺者也牽生牢也筥半斛也乘十六斛數十六斗秬禾
四百把也只有四十束爾夫人致禮助君養賓也薛氏圖云天
子待五等諸侯禮數諸侯初入境上公則五積侯伯則四積子
男則三積皆用牢出入同等上公三問侯伯再問子男一問皆
用脯脩至國則致殮者客始至致小禮也殮有牢上公五侯伯
四子男三也有食庶羞可食之物公四十侯伯三十二子男二
十四有簋公十侯伯八子男六皆實稻粱也有豆公四十侯伯

三十二子男二十四皆實。醴也。有鉶。羹公三十八侯伯二十八子男十八也。有壺。酒公四十侯伯三十二子男二十四也。有簋。黍稷器也。公侯伯子男各十二也。朝訖致饗。餼有牢公九侯伯七子男五也。有米公百二十。筮侯伯百筮子男八十。筮也。有醢。醢公百二十。壘侯伯百壘子男八十。壘也。有車米。眡生牢。牢十車公則四十車侯伯三十車子男二十車也。有車禾。眡死。牢牢十車公五十車侯伯四十車子男三十車也。有芻薪。其數倍禾也。乘禽公日九十雙侯伯七十雙子男五十雙也。殷膳大牢中又致膳。謂之殷膳也。公則三饗三食三燕。侯伯再饗再食再燕。子男一饗一食一燕。若有故不親饗食燕則以幣致之。此

王待諸侯之禮然也。天子待孤卿以下禮數若大國之孤。天子待之出入亦三積不問一勞其牢禮饗餼及陳設之儀一如子男之禮。自卿以下天子待之皆以其爵等爲之。牢禮之數如爵卿也。則殮二牢饗餼五牢大夫也。則殮大牢饗餼三牢士也。則殮少牢饗餼大牢。至陳設之儀皆如朝聘之禮。然則天子待卿以下積則卿出入二積大夫出入一積。所以知其如此者諸侯之積。眡殮率故。大夫之積亦眡殮率也。以上皆擬從君爲介之禮。若不從君而特來聘問之卿大夫士天子待之亦與從君爲介之禮同等也。

凡禮賓客國新殺禮凶荒殺禮札喪殺禮禍災殺禮在野在外殺

禮凡賓客死致禮以喪用賓客有喪唯芻稍之受遭主國之喪不受饗食受牲禮

國新新建國也凶荒歲饑饉也札喪民癘疫也禍哉被兵寇也在野在外師役在行禍亂出避者也凡此數者禮從省約不求豐備也朝聘之賓死則主國爲之具而殯之喪用致饋奠之物也賓在土國聞親之喪則饗食之禮不敢受而芻稍以給人馬者不可辭也牲當作腥主國有喪不受其熟食而受其生物也掌訝掌邦國之等籍以待賓客若將有國賓客至則戒官脩委積與士迎賓于疆爲前驅而入及宿則令聚橐及委則致積至于國賓入館次于舍門外待事于客及將幣爲前驅至于朝詔其位入

復及退亦如之凡賓客之治令訝訝治之凡從者出則使人道之歸送亦如之凡賓客諸侯有卿訝卿有大夫訝大夫訝士皆有訝凡訝者賓客至而往詔相其事而掌其治令

等籍九儀等殺之禮載於典籍者也戒官謂戒牛人羊人舍人委人之屬各共其事也士訝士也疆王畿之界也致積以王命致于賓也賓既就館則次于舍門之外以通其所求也前驅導之以如廟也入復入告王以客至也及退亦告王以客退也賓客欲有所理之事以令于掌訝掌訝爲如朝而理之從者介以下也人其屬胥徒也道者營護之也及歸送至於境亦如其前驅聚橐待事之屬賓客之爵命不同王所使訝賓客之人亦不

同也詔以言告之相以力贊之治謂理其事令謂有所使凡此皆掌訝之職也

掌交掌以節與幣巡邦國之諸侯及其萬民之所聚者道王之德意志慮使咸知王之好惡辟行之使和諸侯之好達萬民之說掌邦國之通事而結其交好以諭九稅之利九禮之親九牧之維九禁之難九戎之威

節以爲信幣以爲禮持節與幣巡行諸侯之國及萬民聚居之處道說王者德之所存意之所發志之所之慮之所定使臣民皆知王之所好者德善而行之所惡者邪惡而避之又使王知諸侯之所好萬民之所悅則上下之情莫不通矣通事通達其牧也九禁九法之禁也九戎九伐之兵也利以相益禮以相親牧以治之禁以止之威以懲之若然則彼此之事可通而上下之交好可結矣

臣按自大行人小行人司儀行夫以至環人象胥掌客掌訝掌交九官皆掌賓客之官大行人掌大賓大客之儀則諸侯所以事王室王室所以撫諸侯者各得其道矣小行人掌待四方之使者與夫協九儀達六節成六瑞合六幣條錄五書則禮幣節信通於天下而天下之故達于天子矣司儀掌天子接見諸侯之禮諸侯相爲賓客之儀則禮文四達而不悖矣若行夫掌傳

遽之小事環人掌送逆賓客之事而象胥掌通華夷之語掌客
掌接待賓客之禮掌訝掌迎賓客之來掌交掌通上下之情則
內而中國外而夷狄大而百辟小而萬民達禮分定德宣澤溥
矣甚矣爲國以禮古之道也蓋人心之易肆而情之易流也苟
非禮以檢束之鮮有不越禮犯分日底于亂而刑罰不可勝用
矣故先生於地官既以禮教民春官以禮和萬民又以禮事而
屬刑官者是以禮禁萬民之意也歟

掌察

關

掌貨賄

關

朝大夫掌都家之國治日朝以聽國事故以告其君長國有政令

其朝大夫凡都家之治於國者必因其朝大夫然後聽之唯大事
弗因凡都家之治有不及者則誅其朝大夫在軍旅則誅其有司
都家公卿王子弟之都大夫之家也日朝者日日朝於王也國
故事天子之事當施於都家者也君都家之君長都家之長也
以告者使知而行也王國之政令當行於都家者則令其朝大
夫然後行之都家之有當治於王國者皆因朝大夫以達於國
然後聽之也若事之大者則君長自稟命不因朝自大夫以達
也都家之治有失以朝大夫弗達之故則罪在所誅在軍旅乃
都家司馬之事非朝大夫所預故誅其有司也

都則

關

都士闕

家士闕

周禮會註卷之十三



